

SAMNANGER KOMMUNE



BYGGEREKNESKAP

FOR

Høgdebasseng Nordbygda





RAPPORT TITTEL : Byggjerekneskap for Høgdebasseng i Nordbygda	
SKRIVEN AV: Hilde-Lill Våge / Nils Jonny Skar. Nina Erdal har utarbeidd budsjett- og rekneskapsoverslaget	
OPPDRAKSGJEVAR/OPPDRAGET GJEVE: KS-sak 61/2018 – budsjett 2019 KS-sak 96/2019 – budsjett 2020 Samnanger kommune, ARBEIDET UTFØRT: 18.02.2021	
DATO FOR GODKJENNING: Kontrollutvalet, våren 2021 (vert sett inn når rapporten er endeleg godkjent) Kommunestyret, våren 2021 OPPDRAKSLEIAR/KVALITETSKONTROLL: Hilde-Lill Våge FAG/TEMA: Eigedom ARKIVREFERANSE/ SAKSNUMMER: Arkivkode: Web-sak 19/974 , 19/622, GBNR 18/157	
SIGNATUR: Samnanger, 28.05.2021	
 Hilde-Lill Våge Leiar for samfunnsutvikling	Nils Jonny Skar Prosjektleiar



Byggjerekneskap – Høgdebasseng - Nordbygda i Samnanger kommune

1. Skildring av tiltaket

Det gamle høgdebassenget i Nordbygda vart på 1960 talet tilkopla kommunen sitt hovudvassverk. Bassenget var tidlegare ein fellesbrønn som seinare vart ombygd til høgdebasseng. Høgdebassenget i Nordbygda tilfredsstilte ikkje dagens krav til basseng, og etablering av eit nytt basseng var nødvendig.

Det gamle høgdebassenget låg ovanfor den gamle barnehagen i Nordbygda, og det var ikkje veg til anlegget. Det var berre mogleg å gjennomføre tilsyn av anlegget til fots. Dette gjorde det vanskeleg å utføre vedlikehaldsarbeid med maskiner eller føra tilsyn med bassenget.

Ei vesentleg utbetring av høgdebassenget og ny tilkomst til anlegget var nødvendig. Nedanfor viser bygging av ny veg under til anlegget og planert område for bassenget ferdig planert.



bilde: Nils Jonny Skar- etablering av veg



bilde: Nils Jonny Skar - Planering av grunn for bassenget

2. Vedtak om oppstart og endringar

I økonomiplan 2019-2022 vedtok kommunestyret å sette av 1.390.000 kroner til er utbetring av Høgdebassenget og etablere veg til anlegget (sak 61/18). Tiltaket vart forseinka og vart vidareført i økonomiplanen for 2020 med finansiering frå VA-sjølvkost (sak 96/19).

3. Organisering av prosjektet

Leiar teknisk drift, Nils Jonny Skar har hatt ansvar for prosjektering, byggeleiinga og gjennomføringa av prosjektet. Odland Maskin fekk oppdraget innanfor inngått rammeavtale, utlyst i 2019.

Teknisk drift har sjølv stått for prosjektering av prosjektet.



4. Framdriftsplan

Tiltaket vart starta opp i 2019 med å inngå avtale med grunneigar om vegtrase. Arbeidet med vegen starta 2019 og vart ferdig same år.
Arbeidet på sjølve høgdebassenget starta i 2020. Prefabrikkert basseng vart lyst ut på anbod og avtale med Brimer AS vart signert juli 2020.
Grunnarbeid med betongplate og botnledning vart utført av Odland maskin.
Arbeidet med montering av basseng var ferdig desember 2020.

Arbeid med å desinfisera bassenget før det kan opnast ut på vassnettet står att, og vert utført våren 2021. Kuldeperioden vinter 2021 førte til forseinkingar grunna frost. Me reknar med å ta anlegget i bruk i april/mai 2021 når mattilsynet har gitt endeleg godkjenning.

5. Økonomisk oversyn

I 2019 var det budsjettert med 1.390.000 til bygging av vegen inkludert ny vassleidning og kummar. Budsjettet vart i 2020 utvida til med 2.5 millionar og gjeld nytt høgdebasseng. I 2020 er budsjettet korrigert til 3.9 millionar. Totalkostnad vart på om lag 3.9 millionar.

	Budsjett 2019 KS 61/2018 & 86/19	Budsjett 2020 KS 96/19 & 95/20	Sum budjett	Rekneskap 2019 -2020	Avvik
Sum utgifter	490 000	3 500 000	3 990 000	3 985 574	-4 426
Sum finansiering	-490 000	-3 500 000	-3 990 000	-3 985 574	4 426
sum avvik					0

6. Skildring av gjennomføring av prosjektet.

Eksisterande høgdebasseng i Nordbygda vart vurdert som lite eigna for vidare opprusting. Sidan dette var ein ombygd brønn, var det stor risiko for inntrenging av ureinsa vatn.
Eit nytt tett basseng vart difor valt, og bassenget vart plassert det på ein høgde for å unngå fare for vassinntrenging utanfrå.



Vasspegel i nytt basseng er 5m høgare enn det gamle som gjer 0,5 bar auka trykk for abonnentar i høgareliggande områder Nordbygda.

Det nye bassenget vart levert i prefabrikkerte delar som vart satt saman på anlegget. Utvendig vart det isolert og kledd med trekledning.

Heile bassenget er behandla med top coat innvendig i kvit farge som gjer inspeksjon og reingjering enkelt. Bassenget har ein diameter på 10m og ei vasshøgde på 5m. Bilda nedanfor viser ferdig støypst botnplate, innvendig montering av element og ferdig innvending med stige frå takluke og oppvarming innvendig for å herde overflate.



Bilda er teken av Nils Jonny Skar.





7. Måloppnåing

Samnanger kommune har no fått eit høgdebasseng for framtida, og som er i tråd med Mattilsynet sine krav. Bassenget har og ein lett tilgjengelegheit når teknisk treng å utfør vedlikehald og tilsyn. Både veg og basseng er bygt innanfor den økonomiske ramma.

8. Avsluttande merknader

Prosjektet har vore utført i tråd med framdriftsplanen. Dette førte til at ei rekkje andre driftsoppgåver lagt til drifta har måtte vike og stå på vent. Teknisk drift har kunnskapen som skal til og kan både prosjektere og utføre delar av arbeidet. Men ved og å ta på seg og ansvaret for prosjektleiinga går det på bekostning av andre daglege driftsoppgåver. I framtidige prosjekt bør vi difor sjå på korleis ein bør organisera framtidige VA-utbyggingsprosjekt og prosjektleiinga med desse.

9. Vedlegg (sjå [Samnanger kommune - Møteplan, møteinnkallingar og møteprotokollar](#))

KS-sak 61/2018 – budsjett 2019 – Utdrag frå investeringsbudsjettet Tiltak 35:4201 Høgdebasseng.

KS-sak 96/2019 – budsjett 2020 – Utdrag frå investeringsbudsjett tiltak 012: 4201 Høgdebasseng Nordbygda 2019 -2020

Til kontrollutvalget i Samnanger kommune

Rapport om faktiske funn vedrørende - byggeregnskap Høgdebasseng Nordbygda

Vår kontroll av byggeregnskapet for Høgdebasseng Nordbygda er utført på oppdrag fra kontrollutvalget i Samnanger kommune.

Det kontrollerte byggeprosjektet viser samlede utgifter på kr 3 985 374 for prosjektet Høgdebasseng Nordbygda.

Utgiftene på kr 3 985 374 er finansiert med momskompensasjon og bruk av lånemidler, men er ikke vist detaljert i byggeregnskapet. Ifølge kommuneregnskapet er det en positiv finansiering på kr 4 426 på dette byggeregnskapet.

Vi har gjennomført de kontrollhandlinger som er avtalt med dere og listet opp nedenfor. Vårt oppdrag er utført i samsvar med ISRS 4400 - Avtalte kontrollhandlinger. Handlingene er utført for å bistå dere i vurderingen av riktigheten av utgifter og inntekter, og oppsummeres som følger:

1. Vi har innhentet oversikt over utgiftene som er ført på prosjektet og kontrollsummert disse.
2. Vi har på rimelighetsvurdert de største utgiftskontoene og kontrollert bilag på stikkprøvebasis.
3. Vi har kontrollert faktisk finansiering mot vedtak om finansiering i form av bruk av fond.

Vi rapporterer våre funn nedenfor:

- a) Med hensyn til punkt 1) har vi innhentet oversikt over utgifter og kontrollsummert at disse stemmer med byggeregnskapet.
- b) Med hensyn til punkt 2) har vi rimelighetsvurdert de største utgiftskontoene og på stikkprøvebasis kontrollert beløp mot underliggende bilag.
- c) Med hensyn til punkt 3) har vi funnet at faktisk finansiering stemmer med vedtak når en hensyntar at det i sak 95/2020 kan gjøres en administrativ fordeling av konsekvensen av nettoeffekten av vedtaket. Konsekvensen av dette er at det ble gitt en økning til høgdebassenget på 1 MNOK.

Siden de ovenstående kontrollhandlingene hverken utgjør revisjon eller forenklet revisorkontroll i samsvar med revisjonsstandardene, gir vi ikke uttrykk for noen sikkerhet for at informasjonen ikke inneholder vesentlige feil.

Dersom vi hadde utført tilleggshandlinger eller hadde gjennomført revisjon eller forenklet revisorkontroll i samsvar med revisjonsstandardene, kunne andre forhold ha kommet til vår kunnskap og blitt rapport til dere.

Vår rapport er utelukkende utarbeidet for det formål som er beskrevet i fjerde avsnitt i denne rapporten og til deres informasjon, og skal ikke brukes til noe annet formål. Rapporten vedrører kun de poster som er spesifisert ovenfor og omfatter ikke regnskapene for Samnanger kommune som helhet.



Bergen, 2. juli 2021
BDO AS

Solveig Bø Dalstø
statsautorisert revisor
(elektronisk signert)

Internett Dokumentnøkkel: T55KD-GG56J-3ETNS-M/MT67-2K6UX-7FMNA



Opprinnelig digitalt dokumentet er kryptografisk bundet til dette Dokument signert med Penneo.™ (sikket digital signatur).
Dokumentet er registrert i et register, og er listet nedenfor.

Med min signatur bekrefter jeg alle dataene og innholdet i dette dokument.

Solveig Bø Dalstø

Statsautorisert revisor

På vegne av: BDO AS

Serienummer: 9578-5998-4-2391844

IP: 77.16.xxx.xxx

2021-07-02 13:08:29Z



Penneo Dokumentnøkkel: TS5KD-GG56J-3ETNS-MMT67-2K6JX-7EMNA

Dokumentet er signert digitalt, med **Penneo.com**. Alle digitale signatur-data i dokumentet er sikret og validert av den datamaskin-utregnede hash-verdien av det opprinnelige dokument. Dokumentet er låst og tids-stemplet med et sertifikat fra en betrodd tredjepart. All kryptografisk bevis er integrert i denne PDF, for fremtidig validering (hvis nødvendig).

Hvordan bekrefter at dette dokumentet er originalen?

Dokumentet er beskyttet av ett Adobe CDS sertifikat. Når du åpner dokumentet i

Adobe Reader, skal du kunne se at dokumentet er sertifisert av **Penneo e-signature service** <penneo@penneo.com>. Dette garanterer at innholdet i dokumentet ikke har blitt endret.

Det er lett å kontrollere de kryptografiske beviser som er lokalisert inne i dokumentet, med Penneo validator - <https://penneo.com/validate>

Sakspapir

Saksbehandler

Nina Erdal

Arkiv

FE-200, TI-&14

ArkivsakID

20/342

Saksnr

095/2020

Utvalg

Kommunestyret

Type

PS

Dato

03.12.2020

Økonomirapportering pr november

Saksopplysninger:

Kva saka gjeld:

Det vert rapportert til kommunestyret på den økonomiske situasjonen pr november 2020. Det vert sett på inntektsområde som skatt, rammetilskot mm. I tillegg er einingane sine budsjettområder gått igjennom og dei har rapportert pr oktober. For dei fleste einingane har 2020 vore eit krevjande år der korona-pandemien har påverka mellom anna organisering, tilsette og økonomi. Mange arrangement er blitt avlyst eller utsett og planlagt arbeid har og blitt flytta til 2021. Korona-pandemien vil med stor sannsynlegheit påverka oss i lang tid framover.

Skatt- og rammeinntekter

Pr oktober har Samnanger kommune ein skatteinngang som er på 87,6 % av landsgjennomsnittet før inntektsutjamning og 94,7 % etter. Kommunen har fått inn 2 mnok mindre enn budsjettert pr oktober. Då er kompensasjon frå staten for bortfall av skatteinntekter med kr 240 000 tatt omsyn til. Pr oktober har kommunen mottatt 1,4 mnok i auka rammetilskot (ikkje korona-relatert) og inntektsutjamning. November er ein av dei store skattemånadane og resultatet får me ikkje endeleg før ca. 20. desember då inntektsutjamninga er klar.

Kommunen har fått ekstra rammetilskot frå staten. Det vil og kome ei ny fordeling ca. 1. desember, men me har ikkje informasjon om kommunen vil få ytterlegare tilskot. Løn og andre utgifter som gjeld korona vert ført med eit eige prosjektnummer slik at det er mogeleg å ta ut rapport på utgiftene, men me ser og at det mest sannsynleg er utgifter som burde ha vore ført med prosjektnummeret, mellom anna ein del overtid på sjukeheimen. Pr 23.11.20 er det ca. kr 200 000 i utgifter som det ikkje er gitt tilskot til. Det vil kome ytterlegare utgifter i desember.

Staten har pr november betalt ut fylgjande ekstra tilskot knytt til korona:

Reduserte skatteinntekter	Kr 240 000
Utsett statleggjering av skatteoppkrevjar til 1.november 2020	Kr 297 000
Kompensasjon for tapt inntekt barnehage og sfo (inkl. privat kr 76 400)	Kr 484 000
Generelt koronatilskot	Kr 1 947 000
Ekstra skjønsmidlar	Kr 200 000
Ekstra skjønsmidlar, smittevernstiltak	Kr 160 000

Ekstra skjønsmidler, korona	Kr 240 000
Sum	Kr 3 568 000
Vedlikeholdstilskot (ventilasjon ungd.skule og bygg Reistad)	Kr 1 100 000

I tillegg til tilskot vart sats for arbeidsgjevaravgift redusert med 4 prosentpoeng for 3.termin. For Samnanger kommune vart kr 1 080 431 betalt tilbake til kommunen og redusert utgift er fordelt på einingane. Arbeidsgjevarperioden for sjukemelde med korona-relatert fråvær vart og redusert frå 16 til 3 dagar. Det er bokført refusjonsinntekt på kr 300 000

Oppsummert: Netto skatt, ramme og inntektsutjamning viser ein inntektssvikt på 0,6 mnok. Skatteinngangen i november vil som vanleg ha stor betydning for korleis dette vil bli pr 31.12, men me må forvente redusert netto inntekt og me foreslår å ta budsjettet ned med 0,89 mnok.

Barnevern:

Kommunen har i 2019 og 2020 gjennomført gransking av eldre barnevernssaker i tre familiar. I 2020 er oppreisningsvedtak på til saman kr 1 150 000 finansiert ved bruk av disposisjonsfondet. Kostnad med granskingsrapporten inkludert vurdering av teieplikt, er på kr 224 000 og er ikkje finansiert. Kostnad med å vurdere søksmål er finansiert med til saman kr 350 000 frå disposisjonsfondet. Utgifta kom på til saman kr 367 800. Det er gitt om lag kr 70 000 i gåve til barnevernsgranskinga og som kan erstatte bruk av disposisjonsfondet med kr 52 000.

Kommunen kjøper i 2020 barneverntenester frå Bergen kommune. Prognose pr september viser ei forventa innsparing på om lag 0,5 mnok. Pr juni er det plassert 5 born i beredskapsheim og statlege fosterheimar.

Tilskot frå Havbruksfondet:

Kommunen har fått tilskot frå havbruksfondet sidan 2017. Utbetalingane har variert frå kr 43 000 i 2017 til 2,3 mnok i 2018. I år har kommunen fått utbetalt 1,78 mnok. Budsjettet var opphavleg på 2,2 mnok, men vart i økonomirapporteringa pr august redusert til 0,8 mnok basert på informasjonen me fekk frå Fiskeridirektoratet på det tidspunktet. No kan meirinntekt på kr 979 000 leggst inn att i budsjettet.

I budsjettet for 2020 var me klar over at storleiken på tilskotet frå Havbruksfondet var usikkert og heile tilskotet er derfor sett av til disposisjonsfondet. Denne avsettinga vil no bli redusert med kr 420 000

Pensjon og premieavvik

Årets lønsoppgjær vart langt lågare enn forventa. Dette har og resultert i lågare pensjonskostnad og lågare premieavvik. Netto gir dette kommunen ei meirinntekt på ca. 0,7 mnok.

Avdrag og rente

Kommunestyret har gjort vedtak om at kommunen i 2020 skal betale minimumsavdrag. Dette vart hausten 2019 estimert til ein reduksjon i avdragsbetalinga på 1 mnok. I ny kommunelov er det presisert både metode, men og at det kun er avskrivingsbare anleggsmidlar som skal vere med i berekning. Kommunen har i mange år brukt den no lovfesta metoden for berekning av minimumsavdrag, men no når tomtar ikkje lenger kan vere ein del av minimumsavdragsberekning så påverkar det storleiken på minimumsavdraget. Ny berekning av minimumsavdrag viser at avdragsbetalinga må aukast med kr 450 000.

I januar var renta på lån utan binding på 2,4 %. No ved utgangen av 2020 er renta på 0,9 %. Dette gir

store utslag når 55 % av lånegjelda ikkje har rentebinding. Estimert innsparing er på om lag 1,4 mnok.

Den låge renta påverkar og kalkulatorisk rentekostnad på sjølvkost. Motpost til sjølvkostområdet sitt rentekostnad ligg som inntekt og vert redusert med ca. kr 330 000

Renteinntektene på bankinnskot vil og bli redusert no når renta er låg. Det er budsjetttert med renteinntekt på kr 420 000, men me kan ikkje forvente meir enn ca. kr 200 000.

Rentekompensasjon frå Husbanken vil og bli redusert når renta er låg, estimert reduksjon kr 40 000.

Einingane:

Korona-pandemien har gitt einingane og tilsette mange utfordringar. Kohort-organisering gjer at det i enkelte einingar må vere fleire tilsette til stades. Terskelen for å vera borte frå jobb på grunn av korona-pandemien er òg svært låg, og det er ikkje alle som har arbeidsoppgåver som gjer at dei kan jobbe heimanfrå dersom dei har milde symptom. Korona-testing og venting på svar fører òg til fråver, men i Samnanger får dei fleste no prøvesvar i løpet av 1-2 døgn.

Barnehagane fekk auka budsjetttramma i august med til saman kr 630 000. I tillegg vart inntektene redusert med kr 190 000. Det vart og varsla om at dei hadde ein utfordrande økonomisk situasjon og at dei må spare der dei kan.

Vassloppa barnehage: Barnehagen har aukande utgifter med born som treng tilrettelegging og barnehagen treng ekstraløyving for å klare å halde budsjettet. Dei sparar der dei kan, men med unntak av lønn er dei andre postane små og det er lite å hente. Totalt sett treng barnehagen å få styrka lønsbudsjettet med kr 185 000. Det er budsjetttert med eit lønstilskot frå Nav som dei ikkje kjem til å få. Dette er på kr 115 000. Sum totalt kr 300 000.

Dråpeslottet barnehage: Til tross for at budsjetterte inntekter vart redusert pr juli, gjer færre born i haust kombinert med redusert foreldrebetaling at inntekta må reduserast med kr 55 000. Dråpeslottet har på same måte som Vassloppa barnehage aukande utgifter til born som treng tilrettelegging og lønsbudsjettet må aukast med kr 75 000. Sum totalt kr 130 000.

Barneskulen har bak seg eit krevjande år, ikkje berre pga korona-situasjonen. Fokuset har vore på å drive ein god skule for elevane og dette er òg etter avtale med rådmannen. Barneskulen låg lenge an til å ende opp med eit større meirforbruk på lønn, men har no klart å redusere dette til om lag kr 156 000. SFO har færre born enn det som det er budsjetttert med og det har og vore born som har slutta i løpet av hausten (føresette på heimekontor mm). Inntekta ser ut til å bli om lag kr 64 000 lågare enn budsjetttert. Totalt sett treng eininga å få tilført kr 220 000 for å klare å halde budsjettet.

Ungdomsskulen har så langt i 2020 hatt lite sjukefråvere blant tilsette og dei har og brukt undervisning på Teams både når elevane er heime og når lærar er heime. Nedstenginga i vår og kohort-organisering har òg gitt innsparing på andre postar. Totalt sett har eininga innsparing på om lag kr 100 000. Dei har ynskje om å bruka innsparinga til å skifte ut pultar og stolar for elevane utover det som låg i opphavleg budsjett. Dette har rådmannen sagt ja til. Innkjøpet skal først i investering og me kan då få frigitt driftsmidlar ved å finansiere dette innkjøpet med fond eller lånemidlar.

Det vart gitt ei ekstraløyving frå disposisjonsfondet på kr 80 000 til felles skulelunsj. Dette er berre delvis gjennomført pga korona-pandemien og om lag kr 60 000 vil bli tilbakeført til fondet.

Sjukeheim og heimetenester. Eininga har hatt store utfordringar både økonomisk og med å få på plass nok personell. Det vart bestemt at det ikkje skulle brukast vikarar frå vikarbyrå eller som arbeidde i andre kommunar. Det vart kun avvikla 3 vekers ferie i sommar og mange må no avvikle

restferien sin. Tilsette kan ikkje gå på jobb dersom dei har korona-liknande symptom og dette har resultert i svært høgt sjukefråvere med høge vikarutgifter og mykje bruk av overtid. Eininga har eit meirforbruk på overtid på 0,9 mnok som dei ikkje klarar å finne inndecking på. Desse meirutgiftene er ikkje ført som koronarelaterte utgifter, men svært mykje av dette er knytt til pandemien.

I tillegg til meirforbruk på overtid har eininga òg hatt 1,3 mnok i utgifter som er merka med prosjektnummer og der kr 260 000 ikkje er gitt tilskot til. Me har fått informasjon frå fylkesmannen om at det vil bli gitt ekstra skjønsmidlar til kommunane 1. desember og me legg inn som ein føresetnad at kommunen sine meirutgifter vil bli kompensert.

Eininga har behov for å få styrka budsjettet med 0,9 mnok. I tillegg forventar me at meirforbruk på prosjektnummer korona på kr 260 000 vil bli kompensert for med auka skjønsmidlar.

Eining for funksjonshemma har hatt auka utgifter til vikar og ekstra hjelp knytt til korona med kr 315 000 som er kompensert med ekstra skjønsmidlar. Eininga har hatt auka utgifter til kjøp av tenester/ avlasting og forventar at om lag 80 % av dette vil bli kompensert som tilskot til ressurskrevjande brukarar. Eininga vil mest truleg gå i balanse.

Helsetunet: Stillinga til smittevernlege er auka opp frå mars og eininga har og hatt betydelege utgifter til smittevernutstyr mm. Total kostnad til korona-relaterte utgifter pr november er på kr 650 000. Alt er kompensert for med ekstra skjønsmidlar. Eininga har hatt innsparing på både løn til jordmor og til psykiatri. I tillegg er det og innsparing på løn til einingsleiar då dette i ein forsøksperiode vart lagt inn i stillinga som helsesøster frå og med mars 2020. Det har vist seg at dette ikkje er realistisk å få til og frå 2021 er det lagt inn budsjettmidlar til einingsleiar i 20 %. Totalt sett har eininga ei innsparing i 2020 på om lag kr 200 000.

Innbyggjarservice:

Servicesenter melder ikkje om avvik mot budsjett. Kulturkontoret har i år hatt mange arrangement som er avlyst og rekneskapen viser pr november låge utgifter med unntak av løn. Fordi mykje av dette vert finansiert med fond og gåver skal unytta midlar overførast til neste år. Totalt sett vil kulturkontoret gå i balanse. NAV og flyktningkontoret melder om innsparing på løn. Det er auka utgifter til ytingar til livsopphald og truleg kjem noko av denne auken som eit resultat av pandemien. Estimert vert auken på om lag kr 150 000, men totalt sett har eininga ei innsparing på om lag kr 200 000.

Teknisk forvaltning har i år fleire prosjekt som pga koronasituasjonen har blitt utsett til 2021. Fleire av desse er finansierte av fond. Eininga har meirforbruk på mellom anna brann, men innsparing på løn og sjukerefusjon totalt sett gjer at eininga meiner at dei skal klare å halde budsjettet.

Teknisk drift melder ikkje om meirforbruk. Reinhold har hatt meirutgifter til smittevern og ekstra reinhold på kr 181 000 pr november. Det meste er finansierte med ekstra skjønsmidlar. Totalt sett vil eininga gå i balanse. Det som er mest usikkert er korleis brøytesesongen vert.

Korona-pandemien har gjort at tilsette i Samnanger kommune har hatt mange utfordringar i året som har gått. Mange har stilt opp ekstra og har for eks. flytta på ferie for at brukarar og andre ikkje skal bli skadelidande. Kohort-organisering er ei ekstra utfordring i ein travel kvardag. Pandemien har no pågått over lang tid og det begynner å bli litt slitasje. Me veit og at dette kjem til å vere normalsituasjonen i mange månader framover. Dei tilsette i kommunen treng eit løft og ein påskjønning for innsatsen som er lagt ned. Rådmannen kjem til å kjøpe inn refleks-vest (bånd) til alle tilsette som takk for innsatsen. Dette er det budsjettmidlar til. Me ynskjer og å lage til julelunsj for dei tilsette, sjølv sagt organisert i kohort. Kjøkkenet på sjukeheimen har tatt på seg dette arbeidet og

det vil bli servert variert julemat i tillegg til kake og litt ekstra godt no i jula. For å få dette til må det løyvast ekstra midlar på kr 100 000.

Oppsummert så vil driftsbudsjettet gå i balanse. Det er knytt usikkerheit spesielt til skatteinngangen i november, og inntektsutjamninga.

Investering

Under fylgjer ein kort gjennomgang av dei fleste investeringsprosjekta. Der det er avvik vert budsjettet justert. Dette gjeld og når prosjektet er forseinka eller vart rimelegare enn først antatt. Budsjettjusteringane vert gjort for at det skal vere mest mogeleg samsvar mellom rekneskap og budsjett.

Ras- og flaumsikring i Reistadområdet er no ferdig og vart kr 116 000 under budsjett.

Skottabakken er tidlegare rapportert med meirforbruk på om lag 3,6 mnok. Byggjerekneskapen er under arbeid, men me rakk ikkje å få dette ferdig til kontrollutvalet sitt siste møte i 2020 og det vil bli lagt fram tidleg i 2021.

Renovering av **bru på Jarland** let seg ikkje gjennomføra i 2020 pga. anleggsarbeidet på kraftverk Jarland. Prosjektet er utsett til 2021 og ført opp i budsjettet. Budsjettet for 2020 vert redusert tilsvarande.

Gangveg til Hagabotnane er ikkje starta opp. Det er ikkje kome på plass avtale med grunneigar. Det er brukt kr 51 200 til konsulent, resten av budsjettet vert ført tilbake.

VA (vatn og avløp) Ytre Tysse er prosjektert og det meste av utgifta vil kome i 2021. 5 mnok av budsjettet sum vert ført tilbake.

Høgdebassenget i Nordbygda var estimert til om lag 2,5 mnok og kostnad endå på om lag 3,75 mnok då det vart nødvendig å skifte ut alle tilførselsleidningar frå den gamle barnehagen og opp til høgdebassenget i ny trasé. Anna arbeid med infrastruktur på VA er forseinka. Arbeidet med reservevassløyving er utsett til 2021. Avsett beløp på til saman 1,3 mnok kan førast tilbake.

Det er løyvd 1 mnok til renovering av **vegar** og desse midlane vert disponert i løpet av 2020.

Prosjektet med **vegnummerering og skilting** vert avslutta no og er innafor løyvinga på kr 450 000.

Skulane fekk løyving til å kjøpa inn **stolar og AV-tavler** på til saman kr 260 000. Barneskulen valde å kjøpe inn ei tavle ekstra i staden for stolar. No har ungdomsskolen innsparing på budsjettet og har fått løyve til å bestilla pultar og stolar for til saman kr 85 000. Til saman vil kostnad for desse to prosjekta kome på kr 72 000 over budsjett. Dette kan finansierast med driftsmidlar, men me forslår å bruka ubunde investeringsfond.

Det er og kjøpt inn **elev-pc** for til saman kr 181 000. Kr 150 000 er finansiert med driftsmidlar, men ved å endre finansiering kan me få frigitt midlar i drift.

Det er bygd ei eiga **pandemiavdeling** på sjukeheimen og kjøpt inn utstyr og renovert delar av 95-bygget. Kostnad var tenkt finansiert med korona-midlar, men me ser at det ikkje er gitt ekstra skjønsmidlar nok til å dekke meirutgiftene på drift. Utgifta til pandemi-avdelinga på kr 258 000 kan finansierast med lånemidlar eller med fond gåvekonto arv. Eininga meiner sjølv at det vil vere riktig å bruke arv då denne avdelinga på sikt vil kunne takast i bruk som demensavdeling.

Branntankbil. Den gamle er selt for kr 150 000 og brukt branntankbil vart kjøpt for kr 700 000. Det er og noko utgifter til omregistrering og foliering mm som pr no ikkje er bokført. Netto finansiering vert om lag kr 577 000. Bilen er til reparasjon i Bergen og denne reparasjonen skal selgar betale.

Oppgradering av **Socio** (sakbehandlingssystem på Nav) vert gjort i samarbeid med IKT Norhordland. Budsjettmidlane vert ført tilbake. Finansiering var ubunde investeringsfond, kr 130 000.

Tippemidlar til idrettsanlegget er utbetalt med kr 1 140 000. Dette er kr 84 000 meir enn budsjettert og tilskotet vert sett av til ubunde investeringsfond.

Badevik på Bjørkheim er for det meste ferdig. Det som står igjen er universelt utforma baderampe, stupebrett og arbeid på naustet. Dette arbeidet vil bli utført i 2021 og er estimert til om lag kr 300 000. Kostnad pr november er 1,74 mnok. Kommunen har fått tilskot frå Miljødirektoratet på kr 532 500 og kjem og til å søka om tippemidlar, estimert sum kr 529 000. Tippemidlane må forskotterast. Totalt sett er forventa tilskot noko lågare enn det som var lagt inn i budsjettet og kommunen må finansiera kr 179 200 i tillegg til å forskottera tippemidlane. Totalt kr 708 200 kan finansierast av ubunde investeringsfond.

I finansiering av badevika er det lagt inn bruk av fond Sima-Samnanger med kr 345 402. Desse midlane kan nyttast både i drift og investering. Eit alternativ til å bruke av ubunde investeringsfond og fond Sima-Samnanger er å bruke av lånemidlar med totalt kr 779 200 og forskottering av tippemidlar frå ubunde investeringsfond med kr 529 000. I budsjettendringsskjemaet er det lagt inn auka bruk av ubunde fond, men lånemidlar i kombinasjon med fond vil vere eit godt alternativ.

KLP-eigenkapitaltilskot vart kr 41 000 lågare enn budsjettert. Finansiering var ubunde investeringsfond og beløpet vert ført tilbake til fond.

Overgang til **Visma** (økonomi- og lønssystem) har gått som planlagt og vil vera innafor budsjetttramma på 1,8 mnok.

VA-Eikedal. Vestland fylkeskommune held på med eit rassikringsprosjekt ved Storebekken i Eikedalen. Framtidig vass- og avløpsleidning skal krysse vegen på denne staden og prosjektet kan legge til rette for dei leidninga VA-traseen treng. Dette er ein kostnad som kommunen må ta, men som inngår i sjølvkost Eikedal. Kostnad estimert til kr 227 000.

Forslag til vedtak:

Rådmannen sitt framlegg til vedtak:

Økonomirapporteringa vert tatt til orientering og det vert foretatt fylgjande budsjettjusteringar:

Driftsbudsjettet:	Utgift opp/ inntekt ned	Utgift ned/ inntekt opp
Skatt	2 285 200	
Rammetilskot og inntektsutjamning		1 400 000
Redusere avdragsbetaling (minimumsavdrag)	450 000	
Netto premieavvik inkl aga	4 300 000	
Redusert pensjonskostnad inkl aga		5 000 000
Utgift gransking barnevern	224 000	

Utgift vurdering søksmål mm som ikke er finansiert	17 800	
Gåver til barnevernsgransking og vurdering søksmål		70 000
Bruk av disposisjonsfond ført tilbake	52 000	
Innsparing barnevern, estimat Bergen		500 000
Tilskot frå Havbruksfondet		979 000
Redusert avsetning til disposisjonsfond	420 000	
Renter sjølvkost	330 000	
Renteutgifter lån		1 400 000
Renteinntekter	220 000	
Rentekompensasjon Husbanken	40 000	
Korona-tiltak tilsette	100 000	
Sjukeheim og heimetenester	900 000	
Sjukeheim og heimetenester, korona	260 000	
Auka skjønsmidler til korona		260 000
Barneskule og SFO	220 000	
Ungdomsskule		100 000
Skulelunsj og disposisjonsfond	60 000	60 000
Dråpeslottet barnehage	130 000	
Vassloppa barnehage	310 000	
Helsetunet		200 000
Innbyggjarservice		200 000
Kjøp skule-pc finansiert i investering.		150 000
Sum driftsbudsjett	10 319 000	10 319 000
Investering	Redusert finansiering / auka utgift	Redusert utgift / auka finansiering
Ras- og flaumsikring		116 000
VA Ytre Tysse		5 000 000
VA Nordbygda, reservevevassløyising mm		1 300 000
Redusert bruk av lånemidler	6 416 000	
Gangveg Hagabotnane		448 800
Refusjon fylket tilbakeført	200 000	
Bru Jarland		550 000
Socio – sakshandsamingssystem Nav		130 000
KLP eigenkapitaltilskot		41 000
Tippemidler, tilskot		84 000
Redusert bruk av ubunde investeringsfond	1 053 800	

Skule, inventar og pc	253 000	
Auke bruk av ubunde investeringsfond		253 000
Badevik, forskottering tippemidler	529 000	529 000
Badevik, endra finansiering frå tilskot til fond	179 200	179 200
Branntankbil	577 000	
VA-Eikedal	227 000	
Bruk av lånemidler		804 000
Sum investeringsbudsjett	9 435 000	9 435 000

Kommunestyret - 095/2020

ks - behandling:

Rådmannen sitt framlegg vart samrøystes vedteke.

ks - vedtak:

Økonomirapporteringa vert tatt til orientering og det vert foretatt fylgjande budsjettjusteringar:

Driftsbudsjettet:	Utgift opp/ inntekt ned	Utgift ned/ inntekt opp
Skatt	2 285 200	
Rammetilskot og inntektsutjamning		1 400 000
Redusere avdragsbetaling (minimumsavdrag)	450 000	
Netto premieavvik inkl aga	4 300 000	
Redusert pensjonskostnad inkl aga		5 000 000
Utgift gransking barnevern	224 000	
Utgift vurdering søksmål mm som ikkje er finansiert	17 800	
Gåver til barnevernsgransking og vurdering søksmål		70 000
Bruk av disposisjonsfond ført tilbake	52 000	
Innsparing barnevern, estimat Bergen		500 000
Tilskot frå Havbruksfondet		979 000
Redusert avsetting til disposisjonsfond	420 000	
Renter sjølvkost	330 000	
Renteutgifter lån		1 400 000
Renteinntekter	220 000	

Rentekompensasjon Husbanken	40 000	
Korona-tiltak tilsette	100 000	
Sjukeheim og heimetenester	900 000	
Sjukeheim og heimetenester, korona	260 000	
Auka skjønsmidler til korona		260 000
Barneskule og SFO	220 000	
Ungdomsskule		100 000
Skulelunsj og diposisjonsfond	60 000	60 000
Dråpeslottet barnehage	130 000	
Vassloppa barnehage	310 000	
Helsetunet		200 000
Innbyggjarservice		200 000
Kjøp skule-pc finansiert i investering.		150 000
Sum driftsbudsjett	10 319 000	10 319 000
Investering	Redusert finansiering / auka utgift	Redusert utgift / auka finansiering
Ras- og flaumsikring		116 000
VA Ytre Tysse		5 000 000
VA Nordbygda, reservevevassløyising mm		1 300 000
Redusert bruk av lånemidler	6 416 000	
Gangveg Hagabotnane		448 800
Refusjon fylket tilbakeført	200 000	
Bru Jarland		550 000
Socio – sakshandsamingssystem Nav		130 000
KLP eigenkapitaltilskot		41 000
Tippemidler, tilskot		84 000
Redusert bruk av ubunde investeringsfond	1 053 800	
Skule, inventar og pc	253 000	
Auke bruk av ubunde investeringsfond		253 000
Badevik, forskottering tippemidler	529 000	529 000
Badevik, endra finansiering frå tilskot til fond	179 200	179 200
Branntankbil	577 000	
VA-Eikedal	227 000	
Bruk av lånemidler		804 000
Sum investeringsbudsjett	9 435 000	9 435 000

, den 25.11.2020

Nina Erdal
økonomisjef


SAMNANGER KOMMUNE



BYGGJEREKNESKAP

FOR

Teigavika - Badevik på Bjørkheim



Figur 1 Bilde - BOF



RAPPORT TITTEL : Byggjerekneskap for Badevik Bjørkheim SKRIVEN AV: Nina Fredriksen/Hilde-Lill Våge Nina Erdal har utarbeidd budsjett- og rekneskapsoverslaget	
OPPDRAKSGJEVAR/OPPDRAGET GJEVE: KS-sak 61/2018 – budsjett 2019. Web-sak 18/556 og Web sak 18/1546 KS-sak 96/2019 – budsjett 2020 – vidareføring av tiltaket. Tiltaksnr. 24. Samnanger kommune, ARBEIDET UTFØRT: 20.10.2020, universell baderampe utført 01.03.2021	
DATO FOR GODKJENNING: Kontrollutvalet, våren 2021 (vert sett inn når rapporten er endeleg godkjent) Kommunestyret, våren 2021 OPPDRAKSLEIAR/KVALITETSKONTROLL: Hilde-Lill Våge FAG/TEMA: Offentlege formål ARKIVREFERANSE/ SAKSNUMMER: Arkivkode: Web-sak 17/922 , 18/256, GBNR 18/256	
SIGNATUR: Samnanger, 28.05.2021  Hilde-Lill Våge Leiar for samfunnsutvikling Nina Fredriksen Prosjektleiar	



Byggjerekneskap – Badestrand- Bjørkheim i Samnanger kommune

1. Skildring av tiltaket

Friluftsområdet på Bjørkheim er sentrumsnært og ligg inne i områdereguleringsplanen for Bjørkheim, som vart vedteken i 2013. Området vart tidlegare nytta til camping for langtidscampingvogner. Kommunen og grunneigar inngjekk i desember 2016 eit makebyte for Teigavika og sikra dermed området som offentleg friområde. Friområdet (Gbnr. 18/256) er på om lag 2 dekar og er ideelt som offentleg badevik. Kommunen var tidleg i kontakt med Bergen og Omland Friluftsråd (BOF) om sikring av badevika. Friluftsområdet er lett tilgjengeleg frå sentrumsområdet, for dei som bur i nærleiken og er nytta til rekreasjon. Kommunen har høve til å sikre denne typen friområde og søkte om statleg sikring og tilrettelegging av Bjørkheim badevik den 15.01.2018. Søknaden var i samråd med BOF, som og har vore med i gjennomføring av arbeidet og tek ansvar for framtidig vedlikehald.

2. Vedtak om oppstart

Vi fekk tilsegn frå Miljødirektoratet med inntil kr 532 500 for sikring og grunnleggande istandsetting av badevika. Tilsegna er avgrensa til å avdekke 50 % av kostnadene ved enkelte av dei planlagde tiltaka. Samnanger kommune er eigar og søkjar, medan Staten ved Miljødirektoratet er rettshavar. I økonomiplanen for 2019-2022 vedtok kommunestyret å finansiere tiltaket og sette av kr 600 000 i eigenandel til ny badestrand (sak 61/2018 og sak 96/2019). Finansieringa føresette at kommunen ved kulturavdelinga og søkte om tilskot frå fylkeskommunen, stiftingar og tilskot til folkehelsetiltak.

3. Organisering av prosjektet

Hilde-Lill Våge, sektorleiar samfunnsutvikling har vore prosjekteigar, med ansvar for regulering av området, samt gjennomføring av forarbeidet med makebyte og søknad om sikring av området. Nina Fredriksen har vore prosjektleiar med ansvar for prosjektering, anbudsfasen, byggjeleinga og gjennomføringa av byggeprosjektet. Hylland AS fekk oppdraget etter gjennomføring av anbodskonkurranse i mai/juni 2020. Meline Heimdal Haugland, leiar for kultur, har hatt ansvar for søknad om tippemidlar og andre søknader om pengestøtte, og vore prosjektdrivar i forprosjekteringa og følgd byggeprosjektet i anleggsfasen.

4. Framdriftsplan

Prosjektet vart starta opp våren 2020 med å utarbeide anbod og ei tilbudsbefering den 30.04.2020. Kontrakten vart 10.06.2020 tildelt Hylland AS på bakgrunn av lågast tilbodssum, og byggeprosjektet starta i juli same år. Prosjektet har følgd oppsett framdriftsplan og anlegget fekk utferda ferdigattest den 28.10.2020. Det vart til saman meldt inn 20 endringsmeldingar, der 5 var førespurnad om pris på ekstraarbeid utanfor kontraktssummen. Endringsmeldingane utgjer til saman kr 536 391 eks. mva.



5. Økonomisk oversyn

I budsjettet for 2019 vart det vedteke ei investering på 2,5 mnok. Kommunen finansierte tiltaket med ein eigenandel på kr 600 000 og resten er finansiert med tilskot frå andre.

Hylland AS fekk anbodet for lågaste tilbodssum på kr 2 494 723 inkl. mva. Frist for ferdigstilling av prosjektet var sett til den 31.10.2020. Prosjektet vart gjennomført som ein totalentreprise basert på Norsk Standard 8407. Oppdraget omfattar dermed detaljprosjektering og utføring av arbeid.

Budsjettet vart i 2020 i kommunestyresak 95/20 justert til 2.280 mnok, etter signal om lågare tilskot. Totalkostnaden for prosjektet viste seg å bli på om lag 2,5 mnok, der meirkostnaden på kr 187 529 i stor er grad finansiert med nytt tilsegn på auka tilskot/tippemidlar.

Samnanger kommune si utgift utgjer kr 750 778.

Prosjektet er gjennomført med eit overforbruk på kr 28 951 (vist som avvik i tabellen nedanfor).

	Budsjett, KS 61/18, 96/19 & 95/20	Rekneskap	Avvik
Utgifter:			
Kostnader eks mva	1 862 820	1 999 278,00	136 458
mva	417 722	495 444,50	77 723
Sum utgifter	2 280 542	2 494 722,50	214 181
Finansiering			
Statstilskot	-554 620	-532 500,00	22 120
Ubunde investeringsfond	-962 798	-962 798,00	
Sima-Samnangerfond	-345 402	-345 402,00	
Momskompensasjon	-417 722	-495 444,50	-77 723
Sum finansiering	-2 280 542	-2 336 144,50	-55 603
Avvik	0	158 578,00	158 578
Forventa tippemidlar *	-528 471	-716 000	-187 529
Oversikt som viser kommunen sin kostnad/ eigenandel			
	Budsjett	Rekneskap	Avvik
Sum kostnad	2 280 542	2 494 723	
- momskompensasjon	-417 722	-495 445	
- statstilskot	-554 620	-532 500	
- tippemidlar *	-528 471	-716 000	
Sum kommunal kostnad	779 729	750 778	-28 951

*)Forskottering av tippemidlar som vert utbetalt etterskotsvis.



6. Skildring av gjennomføring av prosjektet

Anlegget skal vere enkelt, funksjonelt og kunne verte brukt gjennom heile året. Det er lagt vekt på at lyssetting skal stimulere til tur i nærmiljøet, så vel i mørketida som på kveldstid. Den tilrettelagte fleirbruksplassen er no ein naturleg stad å opphalde seg, og er lunt og triveleg med god oversikt utover fjorden.

Det er tilrettelagt for nye natursteinsmurar som skal ramme inn og stramme opp strandarealet. Det har vore eit viktig grep å skape romlege forhold på badestranda. Tilkomsten og vegane vert difor flytta ut til sida, og erstatta med grasareal.

Den opprinnelege «strandhopen» har fått tilbake sin naturlege tilstand og steinfyllinga er fjerna. Det er tilrettelagt for at ein lett kan ta ut kajakkar frå naustet til stranda. Baderampen er lagt inn til naustet i forlenging av turvegen, som har ei minimum breidde på 2 meter.



Figur 2 Bilde:BOF - Betongrampen vart ferdigstøyp med rekkverk - ei endring av eksisterande beskriving i kontrakten.

Den største usikkerheita i badevika var knytt til usikre og uforutsigbare grunnforhold, samt overvatnproblematikken. Meirkostnadane vart difor på pigging og overvatn/ drenering. Det vart nødvendig med justeringar på løysingar undervegs. Vi valde mellom anna å etablere ein betongrampe i betong, i staden for ein baderampe i stål som vert lagt ut kvar sommar.

Oppgradering av naustet og turvegen til parken var ekstraprosjekt som var utanfor kontrakten, og teken inn i prosjektet.



Figur 3 Bilde: Hylland AS - Grunnarbeid for toalett



Figur 4 Bilde Hylland AS - ferdig toalett



7. Måloppnåing

Prosjektet har vore utført i tråd med framdriftsplanen og i stor grad i samsvar med budsjett. Det har vore god dialog med både BOF og fylkeskommunen om gjennomføring av prosjektet og tilskot til tiltaket. Noko av usikkerheita har vore knytt kor stort tilskot som er mogleg å få frå private stiftingar og kor mykje tippemidlar det er mogleg å få. Budsjettet har difor vorte korrigert undervegs og etter at tilsegn er gjeve.

Rådet for personar med nedsett funksjonsevne har delteke i prosessen og kome med innspel undervegs. Det er lagt vekt på å følgje norm for universell utforming og tilrettelegging for rørslehemma. For nokon av våre rørslehemma trengst det ytterlegare tilrettelegging for å ferdast med svært tunge rullestolar. Dei berørte har og vore med å prøve det ferdige anlegget og kome med ytterlegare ønskje på løysingar som gjev forbetringar for dei. Desse tiltaka må komme i tillegg til prosjektet, og det vert søkt om særskilte midlar gjennom eit prosjekt for universell utforming som Samnanger kommune er deltakar i.



Figur 5 Bilde- BOF - stupebrett med badestige og badeplattform



8. Avsluttande merknader

Prosjektet har vore utført i tråd med framdriftsplanen og stor grad i høve til kostnadsramme, og kan seiast å vera eit vellukka prosjekt.

Vi viser og til andre byggjerekneskap der vi har peika på at tidsbruken til prosjektleiing kjem i tillegg til daglege arbeidsoppgåver. Det er ikkje i dag rom for prosjektleiing innanfor tildelte ressursar i eininga. Ei rekkje forvaltningsoppgåver må difor verte sett på vent og utsettast eller eventuelt avvist. I framtidige prosjekt bør vi difor legge inn ressursar til prosjektleiinga. Eit anna viktig moment er å få inn framtidige driftsutgifter i mal for prosjektomtale og framtidige budsjett/økonomiplan.

Samnanger kommune kan no vera svært stolt over å ha eit svært fint badeområde sentralt i kommunen, med følgjande sitat frå BOF; «Lett tilgjengeleg frå Samnangervegen og senteret på Bjørkheim, både til fots, med sykkel eller andre transportmiddel. Svaberg, naust, treplatting, gråsteinsmuring ned i sjøen, fleirbruksflate/oppholdsareal, handikaptilpassa utetoalett, skjelsand og sykkel- og handikapparkering nede i området. Langgrunn badevik med skjelsand eigna for born.»



Figur 6 - Bilde Nina Fredriksen - ferdig anlegg, badevika



9. Vedlegg

KS-sak : : KS-sak 61/2018 – budsjett 2019 -tiltak 18. Web-sak 19/974 og vidareføring i

KS-sak 96/2019 – budsjett 2020 -tiltak 24. Web-sak 19/974

KS-sak 95/2020 – økonomirapprtering – pr november

Utdrag frå investeringsbudsjettet 2018 vist under andre tiltak knt 4103.2422 - tiltak nr 18, side 45. Link:

<https://innsyn.sing.no/Samnanger/Innsyn/wfdocument.ashx?journalpostid=2018008788&dokid=123046&version=1&variant=A&.>

Til kontrollutvalget i Samnanger kommune

Rapport om faktiske funn vedrørende - byggeregnskap Teigavika - Badevik på Bjørkheim

Vår kontroll av byggeregnskapet for Teigavika - Badevik på Bjørkheim er utført på oppdrag fra kontrollutvalget i Samnanger kommune.

Det kontrollerte byggeprosjektet viser samlede utgifter på kr 2 494 723 for prosjektet Teigavika - Badevik på Bjørkheim.

Utgiftene på kr 2 494 723 er finansiert med momskompensasjon, tippemidler, statstilskudd og bruk av fond.

Vi har gjennomført de kontrollhandlinger som er avtalt med dere og listet opp nedenfor. Vårt oppdrag er utført i samsvar med ISRS 4400 - Avtalte kontrollhandlinger. Handlingene er utført for å bistå dere i vurderingen av riktigheten av utgifter og inntekter, og oppsummeres som følger:

1. Vi har innhentet oversikt over utgiftene som er ført på prosjektet og kontrollsummert disse.
2. Vi har på rimelighetsvurdert de største utgiftskontoene og kontrollert bilag på stikkprøvebasis.
3. Vi har kontrollert faktisk finansiering mot vedtak om finansiering i form av bruk av fond.

Vi rapporterer våre funn nedenfor:

- a) Med hensyn til punkt 1) har vi innhentet oversikt over utgifter og kontrollsummert at disse stemmer med byggeregnskapet
- b) Med hensyn til punkt 2) har vi rimelighetsvurdert de største utgiftskontoene og på stikkprøvebasis kontrollert beløp mot underliggende bilag.
- c) Med hensyn til punkt 3) har vi funnet at faktisk finansiering stemmer for momskompensasjon tippemidler og statstilskudd med underliggende dokumentasjon. Bruk av Sima-Samnangerfond er i tråd med budsjett. Bruk av ubundne investeringsfond forskutterer tippemidlene som ikke var regnskapsført på kontrolltidspunktet. I tillegg finansierer ubundne investeringsfond de resterende prosjektutgiftene.

Siden de ovenstående kontrollhandlingene hverken utgjør revisjon eller forenklet revisorkontroll i samsvar med revisjonsstandardene, gir vi ikke uttrykk for noen sikkerhet for at informasjonen ikke inneholder vesentlige feil.

Dersom vi hadde utført tilleggshandlinger eller hadde gjennomført revisjon eller forenklet revisorkontroll i samsvar med revisjonsstandardene, kunne andre forhold ha kommet til vår kunnskap og blitt rapport til dere.

Vår rapport er utelukkende utarbeidet for det formål som er beskrevet i fjerde avsnitt i denne rapporten og til deres informasjon, og skal ikke brukes til noe annet formål. Rapporten vedrører kun de poster som er spesifisert ovenfor og omfatter ikke regnskapene for Samnanger kommune som helhet.



Bergen, 18. august 2021
BDO AS

Solveig Bø Dalstø
statsautorisert revisor
(elektronisk signert)

Dimma DokumentId: 01VAD-SMPTQ-T1JYP-NE4VQ-J6P2H-3EG3IN

PENNEO

Penneo er et digitalt dokumentertjeneste. Dokumentet signert med Penneo er sikret digitalt og autentisk.
Det signerte dokumentet er autentisk og signert med Penneo.

Med min signatur bekrefter jeg alle data og godkjenner dette dokumentet.

Solveig Bø Dalstø

Statsautorisert revisor

På vegne av: BDO AS

Serienummer: 9578-5998-4-2391844

IP: 188.95.xxx.xxx

2021 08 18 13:00:04Z



Penneo Dokumentnøkkel: 0WAE0-SMPTQ-T7JYP-NF4Y0-J6P2H-3EG2W

Dokumentet er signert digitalt, med Penneo.com. Alle digitale signatur-data i dokumentet er sikret og validert av den datamaskin-utregnede hash-verdien av det opprinnelige dokument. Dokumentet er låst og tids-stemplet med et sertifikat fra en betrodd tredjepart. All kryptografisk bevis er integrert i denne PDF, for fremtidig validering (hvis nødvendig).

Hvordan bekrefter at dette dokumentet er originalen?

Dokumentet er beskyttet av ett Adobe CDS sertifikat. Når du åpner dokumentet i

Adobe Reader, skal du kunne se at dokumentet er sertifisert av Penneo e-signature service <penneo@penneo.com>. Dette garanterer at innholdet i dokumentet ikke har blitt endret.

Det er lett å kontrollere de kryptografiske beviser som er lokalisert inne i dokumentet, med Penneo validator – <https://penneo.com/validate>